

Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat

Avatangiisinik illersuineq pillugu inatsisartut inatsisaat nr. 9, 22. november 2011-meersumi, inatsisartut inatsisaatigut nr. 1, 29. maj 2012-meersumi allanngortinneqartumi § 10, imm. 1, nr. 8, § 10. imm. 1, nr. 20, § 42, § 48, § 66, imm. 3 aamma § 67, imm. 1 malillugit aalajangersarneqarpoq:

Siunertaq atuuffialu

§ 1. Nalunaarummi siunertarineqarpoq:

- 1) atortut avatangiisinut sunniutigisinhaasai pillugit Naalakkersuisut pisariaqartunik paassisutissanik pissarsinissat qulakkeerneqassasoq, taamaalilluni pilersitsinermut akuersisummit tunniussisoqassanersoq, atortut nalunaarummut matunga ilaasut allilerneqassanersut imaluunniit allanngortinneqassanersut pillugit Naalakkersuisut aalajangiinissaannut tamakkiisumik tunngavissaqarlutik,
- 2) atortut avatangiisinut ajortumik sunniuteqarnissaannik millisitsisinnaasunik akuersisummi piumasaqaatit aalajangersarnissaannut Naalakkersuisut paassisutissanik pisariaqartunik qulakkeerunneqarlutik, aamma
- 3) aalajangiiniarnermi innuttaasut peqataatinneq qulakkeerlugu suleriaatsinik aalajangersaasoqarnissaa qulakkeerneqarluni.

§ 2. Nalunaarut atortunut pissutsimikkut, angissutsimikkut imaluunniit inissinneqarnermikkut avatangiisinut annertuumik sunniuteqarsinnaasutut naatsorsuutigineqarsinnaasunut atussaaq, aamma nunap killeqarfii apeqqutaatinnagit.

Imm. 2. Nalunaarummi matumanii avatangiisinut sunniuteqarneq paasineqassaaq sikumut, imermut, silaannarmut, nunamut, qaqqamut, silap pissusaanut, nunap ilusaanut, uumasunut naasunullu, inuuullaatinut, inuup peqqissusianut kiisalu inuit nunap ilaanik atuinerannut sunniuteqarneq.

Imm. 3. Nalunaarummi matumanii sanaartortitsisoq paasineqassaaq nammineq atortumik pilersitsinissamut akuersisummit qinnuteqartoq inuk imaluunniit ingerlatseqatigiiffik, kiisalu pisortani oqartussat, atortuliornissamut suliniuteqartut.

Imm. 4. Nalunaarut nunap nunataanut aamma nuna tunngavigalugu imaani mingutsitsinermut atuuppoq.

§ 3. Nalunaarut suliniutinut aatsitassat pillugit ingerlatallu tamatumunnga pingaaruteqartut pillugit Inatsisartut inatsisaannut ilaasunut atuutingilaq.

§ 4. Nalunaarummut matumunga ilaatinneqanngitsut tassaapput atortut nunap illorsorneqarnissaanik siunertaqartut, atortumut tunngatillugu nalunaarutip atorneqarnera Naalagaaffeqatigiit isumannaatsuunissaanut ajoqusiisinnaasoq Illorsorneqarnissamut ministeriaqarfik naliliippat. Illorsornissamut ministeriaqarfik pissutsit aalajangersimasut, ilaatinneqannginnissamut tunngavilersuisut pillugit Naalakkersuisunut nassuaammik tunniussisinnaavoq.

Nalinginnaasut

§ 5. Ilanngussaq 1-im i allassimasup atortussap nutaap pilersinnissaa sioqqullugu § 8, imm. 1 naapertorlugu tamatuma akuerineqarnissaai pillugu sanaartortitsisoq Avatangiisut Naalakkersuisumut qinnuteqassaaq.
Imm. 2. Ilanngussaq 1-im i allassimasup atortooreersup allanngortinneqarnissaai imaluunniit allilerneqarnissaai sioqqullugu sanaartortitsisoq Avatangiisut Naalakkersuisumut allakkatigut nalunaaruteqassaaq.

Imm. 3. Atortup nutaap pilersinneqarnissaai, kiisalu ilanngussaq 2-mi allassimasup atortooreersup allilerneqarnissaai imaluunniit allanngortinneqarnissaai sioqqullugu sanaartortitsisoq Avatangiisut Naalakkersuisumut allakkatigut nalunaaruteqassaaq.

Imm. 4. Imm. 2-mi aamma 3-mi nalunaaruteqarneq ilanngussaq 3-mi piumasaqaatit aalajangersarneqartut akissuteqarfiginissaannut paasissutissanik tamanik imaqassaaq.

Imm. 5. Imm. 2-mi aamma 3-mi nalunaarutigineqartunut tunuliaqtalarugit imm. 4-mi paasissutissat tunuliaqtalarugit § 8 naapertorlugu sanaartortitsisoq qinnuteqaammik tunniussissanersoq Avatangiisut Naalakkersuisoq aalajangiissaq.

§ 6. Avatangiisut sunniutinik nalilersuinissamut immikkorluinnaq pisariaqartitsisoqartoq naliliisoqarpat atortussamik pilersitsisoqarnissaai, allilerisoqarnissaai imaluunniit allannguisoqarnissaai sioqqullugu sanaartortitsisoq Avatangiisut Naalakkersuisumut peqquneqarsinnaavoq § 8 malillugu qinnuteqaammik nassiussissasoq, naak atortoq ilanngussaq 1-im i imaluunniit 2-mi allassimanngikkaluartoq.

Imm. 2. Imm. 1 malillugu peqqussuteqarnermi Avatangiisut Naalakkersuisoq qinnuteqaammik tunniussinissamut piffissamik aalajangiissaq.

Imm. 3. Imm. 1-imut ilaapput atortut tassungalu ikkussorneqartut, nalunaarutip atulersinnerani Kalaallit Nunaanni naatsorsuutigineqanngitsut, taamaattumillu ilanngussaq 1-im i aamma 2-mi allanneqarsimannngitsut, imaluunniit ilisimasat nutaat takutissimallugu atortut ilaat naatsorsuutigisamiit avatangiisut annertunerusumik sunniuteqartut.

§ 7. Ilanngussaq 1-im i aamma ilanngussaq 2-mi allanneqarsimasunik atortunik tassungalu atasunik ikkussukkanik pilersitsineq, allilerineq imaluunniit allanngortitsineq aallartinneqassannilaq Avatangiisut Naalakkersuisoq allakkatigut:

- 1) akuerineqarnissaq pillugu qinnuteqaasiornissaq pillugu piumasaqaatinut atortussaq ilanngitsoq sanaartortitsisumut nalunaaruteqqaartinnagu, § 5, imm. 5 naap., imaluunniit
- 2) § 19 malillugu akuersisummik nalunaaruteqqaartinnagu.

Akuersissut pillugu qinnuteqaat

§ 8. Atortumik pilersitsinissamut, allilerinissamut allanngortitsinissamulluunniit akuersissut pillugu § 5, imm. 1, § 5, imm. 5 aamma § 6, imm. 1 malillugu qinnuteqarneq atortup avatangiisirut sunniutaanik naliliinermik (ASN pillugu nassuaat) imaqassaaq aamma sanaartortitsisumit allakkatigut Avatangiisirut Naalakkersuisumut tunniunneqassalluni.

Imm. 2. Imm. 1 malillugu qinnuteqaammik tunniussinermi sanaartortitsisup §§ 9-13-mi aalajangersakkat qimerluussavai.

Avatangiisirut Sunniutinik Naliliinermik (ASN pillugu) nassuaat

§ 9. Sanaartortitsisoq ASN pillugu nalunaarummik suliaqarnissaa sioqqullugu sanaartortitsisoq peqqissaartumik pilersaarusiussaaq (Terms of reference), tassunga ilanngullugu avatangiisini pissutsinik misissuinissamut pilersaarutit. Pilersaarut taanna ASN pillugu nassuaatip suliarinissaata aallartinnissaa sioqqullugu Avatangiisirut Naalakkersuisumit akuerineqassaaq.

Imm. 2. Imm. 1-imi pilersaarutip taaneqartup akuersissutigineqarneranut atatillugu Avatangiisirut Naalakkersusoq snaartortitsisumut uku pillugit piumasaqaaateqassaaq:

- 1) sanaartortitsisoq sapaatit akunnerini arfinilinni tamanut ammasumik tusarniaalluni peqqissaartumik pilersaarusiamut (Perms og reference) missingiut nassiuutissavaa, tusarniaaneq paasissutissanik nutaanik pissarsiffiussasoq Avatangiisirut Naalakkersusoq naliliippat, aamma
- 2) ASN pillugu nassuaasierornerup nalaani innuttaasunik ataatsimiisitsisoqassasoq imaluunniit innuttaasut ilanngutitinnissaannut periaatsit allat ingerlanneqarlutik.

§ 10. ASN pillugu nassuaat suliniutip avatangiisitigut sunniutaanik aaqqissugaasumik misissuinernik imaqassaaq.

Imm. 2. Nassuaammi atortup ukununnga toqqaannartumik toqqaannanngitsumillu sunniutaanik takutitsisoqassaaq, allaaserinnittoqarluni naliliisoqarlunilu:

- 1) nunap ilaanik inuit atuinerat, tassunga ilanngullugu peqqinnissakkut sunniutaasinnaasut,
- 2) uumasut naasullu,
- 3) nuna, qaqqat, sermeq, imeq, silaannaq, silap pissusaa aamma nunap isikkua,
- 4) inuullaatissat, kiisalu
- 5) nr. 1 – 4-p akornanni ataqtiginnerit.

Imm. 3. Imm. 2-p naammassineqarnissaanut nassuaat ilanngussaq 4-mi paasissutissanik taaneqartunik imaqassaaq.

§ 11. Nassuaat aamma, avatangiisirut ajortumik kinguneqartitsissasoq paasineqarpal, ajortumik kinguneqartitsinernut akornusiisinjaasut sanaartortitsisumit piviusunngortinneqartussanut aaqqiissutissatut siunnersuutinik saqqummiussissaq.

Imm. 2. Aaqqiissutissatut siunnersuutigineqartut atortorissaarutinut avatangiisirut mianerinninnerpaanik tunngaveqassapput atortup mingutsitsisinjaanerata millisinnissaa siunertaralugu aamma atortumi pineqartumi, taassuma nunani inisisimanneratigut sumiiffimilu avatangiisitigut pissutsitigut teknikikkut

ilisarnaatit sillimaffigalugit avatangiisit ataatsimut isigalugit qaffasisumik illersuisinnaaneq qułakkeerneqarluni.

Imm. 3. Avatangiisip qułakkeerneqarnissaanut nakkutilliinermi aaqqiinerit periusissallu naleqquunnerpaat atorneqassapput.

§ 12. Paasissutissat nutaat saqqummerpata, imaluunniit ilisimatusarnermi angusat nutaat imaluunniit ilisimasat allat nutaat tunngavigalugit paasissutissanik ilisimaneqareersunik naliliinerit allanngortinneqarpata avatangiisinik misissuinernut tapertaasussat pillugit Avatangiisinut Naalakkersuisoq piumasaqaateqarsinnaavoq. § 19-mi taaneqartumi akuersissummi § 9, imm. 1-im ikuuerineqartumi peqqissaartumik pilersaarusi (Perms of reference) piumasaqaateqartoqarsinnaavoq.

Aningaasartuutit akilerneqarneri

§ 13. Misissuinerit pisariaqartut ingerlanneqarnerinut, aamma ASN pillugu nalunaarusiap suliarineqarneranut atorneqartut paasissutissat pissarsiarinerinut sanaartortitsisoq akisussaavoq.

Imm. 2. ASN pillugu nalunaarusiap suliarineqarneranut aningaasartuutit tamarmik sanaartortitsisumit akilerneqassapput, tassunga ilangullugu § 9-mi taaneqartumi peqqissaartumik pilersaarusi (Perms of reference).

Imm. 3. Nassuaatip suliarineranut nalilersorneranullu Avatangiisinut Naalakkersuisumit pisariaqartutut isigneqartunik paasissutissanik allagaatinillu tamanit sanaartortitsisoq Avatangiisinut Naalakkersuisumit tunniussissaaq.

§ 14. Nalunaarummi matumani ilaasup atortup pilersinnejcarneranut, allilerneqarneranut allanngortinneqarneranulluunniit akuersissummik qinnuteqammik Avatangiisinut Naalakkersuisup suliaqarneranut naliliineranullu aningaasartuuteqarnerit sanaartortitsisumit taarserneqassapput, tassunga ilangullugit § 9-mi taaneqartumi peqqissaartumik pilersaarusi (Perms of reference) kiisalu § 10-mi taaneqartumi ASN pillugu nalunaarusiaq, tassunga ilangullugit tamanut saqqummiussinermut aamma Avatangiisinut Naalakkersuisup avataaniit siunnersorneqarneranut aningaasartuutit.

Imm. 2. Imm. 1 naap., Avatangiisinut Naalakkersuisup aningaasartuutai § 9-mi taaneqartumi peqqissaartumik pilersaarusi (Perms of reference) tiguneqarneraniit naatsorsorneqartumik allaffimmi nalunaaquttap akunneri atorneqartut aallartinnerinut ataatsimut qallunaat koruuniinut 450-nut naatsorsorneqarput. Sanaartortitsisoq allaffimmi nalunaaqurrap akunneri atorneqartussatut naatsorsuutigineqartut pillugit missiliuinermik qaçugukkulluunniit qinnuteqarsinnaavoq. § 19-mi akuersissutit nassiunneqarpata Avatangiisinut Naalakkersuisup aningaasartuutai inarneqassapput.

Imm. 3. § 9-mi taaneqartumi pilersaarutip akuersissutigineranut atasumik avataaniit siunnersorneqarnissamik pisariaqartitsisoqarnersoq Avatangiisinut Naalakkersuisoq naliliissaaq. Taamaattoqpat pisariaqartitsineq aamma avataaniit siunnersorneqarnissap annertussusia pillugu ilisimatissummik Avatangiisinut Naalakkersuisoq qinnuteqartumut saqqummiussissaaq, pilersaarutip akuerineqarnissaa sioqquullugu. Avataaniit siunnersortimut aningaasartuutit tassaassapput siunnersortimiit aningaasartuutit piviusut.

Tusarniaaneq

§ 15. Atortussamut eqqarsaatigineqartumut tunngatillugu nassuaat allallu paassisutissiinerit pillugit paassisutissat erseqqinnerusut sumi pissarsiarineqarsinnaasut pillugit Avatangiisut Naalakkersuisoq qinnuteqaammik § 8 malillugu tamanut saqqummiussissaq.

Imm. 2. Oqaaseqaatinik tamat saqqummiussinissaannut tusarniaanermi piffissaliussaq tassaavoq tamanut saqqummiussinermiit sapaatit akunneri arfineq pingasut.

§ 16. Atortut ingerlatallu nunat killeqarfii akimorlugit avatangiisut sunniutinik nalilersuineq pillugu Isumaqatigiissummut 25. februar 1991-imeersummut (Espoo-mi isumaqatigiissut) ilaasut paassisutissat pillugit pisariaqartumik ilisimatitsineq, tusarniaaneq paarlaasseqatigiinnerlu Avatangiisut Naalakkersuisumit suliap ingerlanera tamakkerlugu isumagineqassaaq.

§ 17. § 15 aamma § 16 naap., tusarniaareernerup kingorna ASN pillugu nassuaammik sanaartortitsisoq iluarsaassissaq, tamanna Avatangiisut Naalakkersuisumit pisariaqartutut nalilerneqarpat.

Imm. 2. ASN pillugu nassuaammik iluarsaassineq annertuppat Avatangiisut Naalakkersuisoq kingumut tusarniaanermik ingerlatitseqqissaaq.

§ 18. Suliap Naalakkersuisunut saqqummiunnissaa sioqqullugu aalajangiinissatut naatsorsuutigisaq pillugu Avatangiisut Naalakkersuisoq kommunalbestyrelsimit imaluunniit kommunalbestyrelsinit pineqartunut ilisimatitsissaaq.

Akuersineq

§ 19. ASN pillugu nassuaat aamma tusarniaanermi akissutit tiguneqartut tunuliaqtalarugit nassuaammi allaaserineqartutut atortup pilersinneqarnissaanut, allilerneqarnissaanut allanngortinneqarnissaanulluunniit akuersisoqassaneroq Naalakkersuisut aalajangiissapput.

Imm. 2. Nassuaammi takutinneqartutut ajortumik sunniutit peerneqarnissaannut imaluunniit annikillisinneqarnissaannut pisariaqartinneqartunik atortup pilersinneqarneranut ingerlanneqarneranullu piumasaqaatinik akuersissut imaqassaaq.

Imm. 3. Atortup ikkussukkallu atorunnaarsinneqarnerannut tunngatillugu piumasaqaatinik akuersissut imaqassaaq, tassunga ilanngullugu peerneqarnissaanut pilersaarutit.

Imm. 4. Akuersissut uku pillugit piumasaqaatinik imaqassaaq:

1) Aniatitsinermi aamma aniatitsinermi killiliussat nalingi, sananeqaatinik mingutsitsisunik silaannarmut aniatitsisoqartillugu igitsinermi ataatsimi silaannap annertunerpaaffissa aamma igitsinerup portussussissaa.

2) Kangerlunnut imaanullu sananeqaatinik mingutsitsisoqartillugu igitsinernut tamanut erngup minguttup annertunerpaamik annertussusissaa, kiisalu imermik nillorsaammik aniatitsinermi tigooraasup pissusissamisoortumik kissassusianut naleqqiullugu erngup nillorsaatip aniatinneqartup kissassusissaata qaffasinnerpaaffissaanut killiliussaaq.

3) Nipilornermi killilissat.

4) Suliffeqarfii ipsumagisassaanut nammineq nakkutilliinissamut piumasaqaatit, tassunga ilanngullugit uuttuutini naatsorsuinernilu periutsit atorneqartut allanneqarneri, uuttuinerit akulikissusii, nalit

killiliussat eqqortinneqarnerinut nalilersuinermi periuseq, nammineq nakkutilliinermi inernerit nalunaarutigineqarnerinut piffissat, kiisalu misilgitissanik tigusinerit misissuinerillu suliffeqarfimmit nammineq isumagineqarsinnaandersut imaluunniit laboratoriamit piginnaatinneqartumit isumagineqassanersut. Suliffeqarfik misissuinermi nammineq aningasartuutinik akiliissappat, tamanna uparuaneqassaaq.

5) Nunap, qaqqap, nunap ilusaata, erngup, kuup, tatsit, sermit imallu illorsorneqarnissaanut piumasaqaatit.

6) Suliffeqarfimmi eqqakkat passunneqarnissaannut toqqorsimanissaannullu piumasaqaatit, tassunga ilanngullugu eqqaqqat suliffeqarfimmi toqqorsimaneqarsinnaasut annertunerpaaffissaasa allanneqarnera.

7) Tipimit akornutaasut killeqartinnissaannut piumasaqaatit.

8) Ingerlatsinermi pissutsinut nalinginnaasuunngitsunut suliffeqarfiup qanoq pissusilernissaa pillugu piumasaqaatit.

9) Suliffeqarfiup avatangiisinnut annertuumik mingutsitsinnginnissaata qulakkeernissaanut pisariaqartunik suliffeqarfiup aaqqissuunneqarneranut ingerlatsinernullu piumasaqaatit allat, tassunga ilanngullugu ajutoornermi.

10) Ingerlatsinerup unitsinnejnarnerani suliffeqarfimmit unitsinnejartumiit mingutsitsinikkut ulorianartorsiortitsisinnaaneq pinngitsoortinniarlugu aaqqiinerit pisariaqartut isumaginissaannut piumasaqaatit.

Imm. 5. Imm. 4, nr. 1-imi aniatitsinermi killiliussat taaneqartut atortumiit aniatinneqarnerini piffissamut aalajangersarneqassapput, aamma kimikillisarsinnaanerat sioqqullugu. Aniatitsinermi killiliussat nalit uuttuutinik allanik ilaneqarsinnaapput imaluunniit taarserneqarsinnaallutik assersuutigalugu nalinik B-nik. Aniatitsinermi killiliussat nalit aamma uuttuutit allat atortorissaarut pissarsiarineqarsinnaasoq pitsaanerpaaq tunngavigalugu aalajangersarneqarsinnaapput, periutsit atortorissaarutilluunniit aalajangersimasup atorneqarnissaa aalajanginngikkaluarlugu.

Imm. 6. Akuersissummi piumasaqaatit nalunaarutigineqartut pituttuisuupput.

Imm. 7. Akuersinermut piumasarineqarsinnaavoq suliffeqarfiup tungaaniit Avatangiisinnut Naalakkersuisumut nalunaaruteqartussaitaaneq, soorlu aamma avatangiisink ingerlaavartumik misissuinermit suliffeqarfiup ingerlatsinera imaluunniit akiliuteqarnera pillugu piumasaqaatinik aalajangersaasoqarsinnaasoq.

§ 20. Akuersineq aallaaviatigut piffissamut killilingaanngilaq.

Imm. 2. Akuersineq piffissamut killilingaanngilaq.

Imm. 3. Akuersineq piffissamut killilingaanngilaq appat tamanna akuersissummut tamarmiusumut aamma akuersinerup ilaanut ataasiakkaanut atuutsinnejqarsinnaavoq.

Imm. 4. Piffissamik killiliinerup atorneqarnerani akuersissummi:

- 1) akuersissutip atorunnaarneranut piffissaq ilisimatissutigineqassaaq,
- 2) piffissap killilerneqarneranut immikkut tunngavilersummik imaqassaaq.

§ 21. Naalakkersuisut akuersinermi nakkutilliinermilu oqartussatut atortunik sanaartornermi quarnaveeqquisoqarnissaa pillugu piumasaqaateqarsinnaapput, atortup ikkussukkallu peerneqarnerinut aningasartuutit 5 millionit qaangersimappatigit.

§ 22. Avatangiisirut Naalakkersuisup atortup pilersinneqarnissaanut, allilerneqarnissaanut allanngortinneqarnissaanulluunniit akuersissut pillugu aalajangiineq tamanut nalunaarutigissavaa aamma naammagittaalliuuteqarsinnaaneq pillugu ilisimatitsilluni.

§ 23. § 22-mi taaneqartumi aalajangiinerup tamanut saqqummiunneqarnera Namminersorlutik Oqartussat pisortatigoortumik nittartagaatigut isumagineqarsinnaavoq. Nuna tamakkerlugu illoqarfinnilu tusagassiuutini ilanngussisoqassaaq.

§ 24. Nalunaarut una malillugu akuersineq atorunnaassaaq nalunaaruteqarnerup kingorna ukiut sisamat qaangiutsinnagit taanna atorneqarsimanngippat.

Imm. 2. Atortup pilersinneqarnera allanngortinneqarneraluunniit aallartinneqarsimappat akuersineq atorneqarsimassaaq.

Imm. 3. Akuersinerup nutarterneqarnera atortumut pilersaarummut aalajangersimasumut siusinnerusukkut akuersisimanermik tunngaveqassaaq, nassuaat suli naleqquppat.

§ 25. § 19 naap., akuersinerup kingorna ukiut arfineq pingasunik sivisunerusut ingerlasimappata nutaamik akuersisoqarneratigut tamatumunnga piumasaqaatit Naalakkersuisunit allanngortinneqarsinnaapput, avatangiisitigut tunngavissaqarpat, imaluunniit saleeriaatsit pitsaanerusut imaluunniit tunisassioriaatsit annikinnerusumik mingutsitsisinnaasut ineriertinnejarsimappata.

§ 26. Imermik minguttumik kuummut, tatsinut imaanulluunniit aniatitsinissamut avatangiisit illersorneqarnerat pillugu Inatsisartut inatsisaanni nr. 9, 22. november 2011-meersumi kingusinnerusukkullu allannguiteqartumi kapitali 4 malillugu akuersissut suliarineqassaaq peqatigisaanillu nalunaarut una malillugu akuersissut pillugu aalajangiineq akuersisummut tamarmiusumut ilaatinneqarluni.

§ 27. Nalunaarut una malillugu akuersissut akuersissutinik pisariaqartunik imaluunniit inatsisit atuuttut allat malillugit akuersissutinik sanaartortitsisup pissarsiniarnissaanut pisussajunnaarsitsinngilaq, tassunga ilanggullugu avatangiisit illersorneqarnerat pillugu inatsisartut inatsisaat, pinngortitap illersorneqarnera pillugu inatsisartut inatsisaat, pilersaarusiorneq nunaminertamillu atuineq pillugu inatsisartut inatsisaat, eqqisisimatisineq pillugu inatsisartut inatsisaat aamma allatigut kulturikkut eqqaassutissat kulturikkut kingornussat illersorneqarnissaat, kommunini ileqqoreqqusat aamma malittarisassat il.il.

§ 19 malillugu atortunik akuerineqartunik avatangiisitigut nakkutilliineq

§ 28. § 19 malillugu atortunik nakkutilliinermi nakkutigineqartup aamma tamanut ammasup mittarfiup imaluunniit heliportip ilaasunik angallassiffiusup qaninnerpaap akornanni assartuinermut atasumik, kiisalu nakkutilliisut sumiiffimmi nakkutilliiffiusumi najugaqarnerannut aamma atortup sunnerfigisinjaasaani nunami eqqaaniittumi assartuisinnaanermut aningaasartuutit naammaginartut sanaartortitsisumit akilerneqassapput.

Imm. 2. Nakkutilliinermut atasumik nakkutilliinerup annertussusissaa Avatangiisirut Naalakkersuisumit

nalilerneqassaaq, tassunga ilangullugit peqataasut sivisussalu aamma tamanna pillugu sanaartortitsisumut ilisimatitsissalluni.

Peqqussut inerteqqullu

§ 29. Akuersissummut piumasaqaatinik, § 19, imm. 2-4 naap., unioqqutinneqarpata, taamaalilluni suliffeqarfik, atortoq imaluunniit aaqqissuussaq Avatangiisinut Naalakkersuisumut annertuutut missiliorneqartumik mingutsitsinermik kinguneqartitsilluni, imaluunniit akuersinermi aalajangersarneqartumik qaangiisoqarpat, iluaquiniarluni aaqqiissutissat pilersinnejarnissaannut Avatangiisinut Naalakkersuisoq peqqusisinnavaq.
Imm. 2. Peqqussutit nalunaarutigineqartoq piffissaliussap aalajangerneqartup iluani malinneqanngippat, oqartussaq peqqusummik tunniussisimasoq, sanaartortitsisup akisussaasup akiligaanik aaqqiinissaq suliaritissinnavaa.

§ 30. Mingutsitsineq iluarsineqarsinnaanngippat, imaluunniit § 29 malillugu peqqussut unioqqutinneqarpat, ingerlatsinerup ingerlaannarnissaanut Avatangiisinut Naalakkersuisoq inerteqquteqarsinnaavoq aamma suliffeqarfiup, atortup imaluunniit aaqqissuussinerup peerneqarnissa piumasarisinnaallugu.

§ 31. Annertuumik mingutsitsinissaq taassumaluunniit annertunerusumik siaruarnissaata pinngitsoortinnissaanut ingerlaannartumik akuliunniisaq pisariaqarpat Avatangiisinut Naalakkersuisoq sinnerlugu Kommunalbestyrelsi peqqusummik inerteqqummilluunniit pisariaqartumik ingerlaannartumik nalunaaruteqarsinnaavoq tamatumalu kingorna Avatangiisinut Naalakkersuisumut nalunaaruteqarluni.
Imm. 2. Imm. 1 malillugu peqqusummik imaluunniit inerteqqummik Kommunalbestyrelsip nalunaaruteqarneraniit kingusinnerpaamik ullut 14-it qaangiutsinnagit aalajangiinerup atatiinnarnissaanut Avatangiisinut Naalakkersuisoq peqataasunut nalunaaruteqarsimangippat, peqqussut inerteqqulluunniit atorunnaassaaq.

§ 32. § 20 naap., akuersissutip piffissami atuuffiani §§ 29-20 malillugit peqqusummik imaluunniit inerteqqummik taamaallaat nalunaaruteqartoqarsinnaavoq:
1) akuersissummi piumasaqaatit unioqqutinneqarsimappata,
2) mingutsitsinerup ajoqusiisumik sunniutai pillugit paassisutissanik nutaanik pingaaruteqartunillu saqqummertoqarsimappat,
3) akuersissutip nalunaarutiginerani siumut oqaatigineqarsinnaanngitsunik mingutsineq avatangiisitigut annertuumik ajoqusiisumik sunniuteqartumik kinguneqarsimappat, imaluunniit
4) mingutsitsinerup allatigut akuersinermi tunngavigineqartut annertuumik qaangersimappagit.

Naammagittaalliutit

§ 33. Nalunaarut una malillugu aalajangiinerit tamarmik avatangiisinik illersuineq pillugu inatsisartut inatsisaanni nr. 9, 22. november 2011-mi, kingusinnerusukkut inatsisartut inatsisaatigut nr. 1, 29. maj 2012-meersumi kapitali 14-mi maleruagassat malillugit naammagittaalliutigineqarsinnaapput.

Pineqaatissiinerit

§ 34. § 5, imm. 1-imik, § 5, imm. 2-mik, § 5, imm. 3-mik kiisalu § 7-mik unioqqutitsinernut kiisalu § 6, imm. 1, § 6, imm. 2, § 29, imm. 1, § 30, § 31, imm. 1aamma § 32 malillugu peqqussutinik inerteqqutinilluunniit saneqqussinernut akiliisitsisoqarsinnaavoq.

Imm. 2. § 19 malillugu piumasaqaatinik aalajangersarneqarsimasunik unioqqutitsisoqartillugu akiliisitsisoqarsinnaavoq.

Imm. 3. Kalaallit Nunaanni Pinerluttulerinermi inatsimmi maleruagassat malillugit inatsisitigut akisussaasoq akiliisinneqarsinnaavoq.

Imm. 4. Imm. 1-3 malillugu aalajangersarneqartut akiliisitsinerit Nunatta Karsianut tutsinneqassapput.

Atulersitsineq il.il.

§ 35. Nalunaarut una aprilip aallaqqaataani 2013-mi atuutilerpoq.

Imm. 2. Atortut nalunaarutip atulersinnerani nunaminertamik tunineqarsimasut nalunaarummut matumunga taamaallaat ilaassapput atortut taakku allanngortinneqarpata imaluunniit allilerneqarpata.

Imm. 3. Nalunaarutip atulersinneqarnera sioqquillugu pinngortitamik illersuineq pillugu inatsisartut inatsisaat nr. 29, 18. december 2003 malillugu pinngortitamut kingunissaanik nalilersuinermik suliaqarnissamik peqquneqarsimasunut nalunaarut una atortunut atuutinngilaq, taamaattorli imm. 4 tak.

Imm. 4. Imm. 3-mi taaneqartut atortut allanngortinnerini allilerneqarneriniluunniit nalunaarut atuuppoq.

Imm. 5. Atortup pilersinneqarnera, allanngortinneqarnera allilerneqarneraluuunniit nalunaarut una malillugu akuerineqarpat suliffeqarfiit il.il. mingutsitsinerusut avatangiisinnik atuinerat pillugu Namminersornerullutik Oqartussat nalunaarutaat nr. 11, 20. august 2004-meersoq malillugu akuersinissamut piumasaqaat atorunnaassaaq.

Namminersorlutik Oqartussat, ulloq 27. marts 2013

Anthon Frederiksen

/

Hans Erik Bresson

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut